

Fruts e furlan: a Tumieç un laboratori cun Maman!

Inte suaze de “Festa della Mela”, un laboratori dedicât ai plui piçui par cure de Agenzie Regjonâl pe Lenghe Furlane condusût di Daria Miani

In spiete de seste stagjon de ben cognossude trasmission par furlan par fruts, in onde dai 8 di Otubar cun tantis novitâts, Maman! al rive a Tumieç pe edizion numar 25 de “Festa della Mela”. Sabide ai 25 di Setembar, aes 14, sot dal tendon in place XX settembre, al è in program “Cjantâ e zuiâ cun Maman!”: un laboratori fûr par fûr pai fruts par cure de ARLeF – Agenzie Regjonâl pe Lenghe Furlane condusût di Daria Miani cun gadgets simpatics par ducj i participants.

Maman! al è une trasmission televisive pe infanzie in lenghe furlane, une coproduzion de ARLeF e Telefriuli (canâl 11 dal digjitâl terestri), che ai piçui telespetatôrs ur plâs une vore. La iniziative e je nassude cul intindiment di jemplâ la mancjance di programs in marilenghe pai plui piçui e dâ, tal stes timp, un *format* bon di meti in contat cul plurilinguism fruts e fameis.

Il program al propon esperiencis ludichis e educativis pai fruts de scuele de infanzie e primarie. Chel stes *format*, fat di zûc e didatiche, al vignarà proponût a Tumieç, par un dopomisdì di passâ divertintsi par furlan!

Udin, ai 21 di Setembar dal 2021

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<